

# 卷三十九

書名 藝文類聚一百卷  
 嘉靖中天水胡纘宗刊本  
 撰者 唐 歐陽詢 撰  
 卷 卷三十九  
 內容分類 子 類書 彙考 唐五代  
 索書號 子部 類書 2  
 編號 C5912500

藝文類聚卷第一

唐太子率更令弘文館學士歐陽詢撰

大部上 天 日 月 星 雲 風

天

周易曰 哉乾元萬物資始乃統天雲行雨施品物流形大明終始六位

時成時 六龍以御天乾道變化各正性命 又曰立天之道曰陰與陽

又曰天 健 尚書曰乃命羲和欽若昊天 又曰皇天震怒命我文考

肅將天 禮記曰天地之道博也厚也高也明也悠也久也日月星辰

繫焉 論語曰天何言哉四時行焉百物生焉 老子曰天得

一以法 春秋繁露曰天有十端天地陰陽水土金木火人凡十端天亦

喜怒哀 喜樂之心與人相副以類合之天人一也 爾雅曰穹蒼蒼天

也春 夏為昊天秋為旻天冬為上天 春秋元命苞曰天不足西

北 故天周九八十一萬里 渾天儀曰天如雞子天大地小

地各乘氣而立載水而浮天轉如車轂之運 黃帝素問曰

彩色首頁1

東洋文化研究所漢籍目錄 編號: C5912500  
 東洋文化研究所漢籍目錄所藏漢籍善本文影像資料庫 索書號: 子部 類書 2  
 漢籍善本文影像資料庫文本藝文類聚一百卷 嘉靖中天水胡纘宗刊本  
 版權所有: 東京大學 東洋文化研究所  
 使用上的注意事項



藝文類聚卷第三十九

禮部中 巡狩

籍田

社稷

朝會

燕會

封禪

親蠶

巡狩

禮記曰王者必制巡狩之禮何尊天重民也所以五年一巡狩何五歲再  
 閏天道大備王者恩亦當畢竟也所以至四嶽者盛得之四方之中能興雲  
 致雨也 又曰天子五年一巡狩二月東巡狩至于岱宗柴而望祀山川  
 觀諸侯閏百年者就見之命太師陳詩以觀民風命市納賈以觀民之好  
 惡 易曰先王以省方觀民設教 尚書曰歲二月東巡狩至于岱宗柴  
 傳曰天子非展義不巡狩注云巡狩所以布德展義 周禮曰職方氏掌  
 天下之圖王巡狩則戒于四方攷職事無不敬戒 風俗通曰巡者循也  
 狩者守也道德太平恐遠近不同化幽隱有不得所者故自躬親行之  
 白虎通曰巡狩所以時出何當承宗廟故不踰也以夏之中月同律度得  
 其中也 越絕書曰禹巡狩大越見耆老納詩書審銓衡平斗斛 漢書  
 曰元封五年冬行南巡至于盛唐望祠虞舜于九疑登天柱山自尋陽浮



江親射蛟江中獲之舳艫千里薄縱陽而出作盛唐縱陽之歌 東觀漢記曰章帝東巡至岱宗祀玉帝於汶上 黃帝太一察推曰欲先知巡之年當視太一與白在四維之歲為狩 蔡邕獨斷曰巡狩校獵還公卿以下陳維陽亭前街上乘輿到公卿以下拜天子下車公卿親識顏色然後還宮古語曰在宮帷下唯此時施行 摯虞新禮儀曰魏元氏巡狩故事新禮守方岳柴望告至設壇諸侯之觀者乃摯皆如儀而不建旗臣虞謹按觀禮天子各建其旗旌章所以殊爵命視等威也詩稱君子至止言觀其旂宜定新禮建旗如舊 三齊略記曰堯山在廣固城西七里堯巡狩所登遂以為名山頂立祠祠邊有柏樹枯而復生不知幾代樹也 隋虞世基和幸江都詩曰南國行周化稽山秘夏圖百王豈殊軌千載協前謨肆觀遵時豫順動悅來 蘇安流進畫舫戒道習典金吾龍旂煥辰象鳳吹溢川塗封唐昔敷錫分峽 被荆吳沐道咸知讓昔恭義父成都冬律初飛管陽鳥正銜蘆嚴飈肅林葦 暖景澹江湖鴻私浹幽遠厚澤潤凋枯虞琴起歌詠漢筑動巴歛多幸霑行葦無庸類散樗 又曰巡遊光帝與征吉乃

文先澤國翔宸駕水府汎樓船七華紫長薄二翼亘通川夙興大昕始求衣昧旦前澄瀾浮暎色遙林卷宿煙晨霞稍含景落日漸虧落過塘響歌吹極浦望旌旄方陪觀東后登封禪肅然 賦 漢楊雄甘泉賦曰孝成帝時客有薦雄文似相如者上方祀甘泉泰畤雄從上甘泉故述斯賦惟漢十世將郊上玄乃命羣僚星陳而天行詔招搖與太陰兮伏鈎陳使當兵八神奔而警蹕兮飛蒙茸而走陸梁焱駭雲迅奮以方攘泮散照爛粲以成章於是帥爾陰閉雲然陽開流星旄以電燭兮咸翠蓋而鸞旗臨高街之崒嶮超紆譎之清澄據軫軒而周流忽軼軋而無垠翠玉樹之青葱璧馬犀之璘璠歷倒景而絕飛梁浮蟻蠓而撒天曳虹彩之流離颺翠氣之宛延排玉戶而颺金鋪發蘭蕙與芎藭靡薜荔而為席折瓊枝以為芳吸青雲之流霞飲若木之露英集乎禮神之囿登乎頌祇之堂攀璇璣而下視行遊目乎三危玉女亡所眺其清臚宓妃曾不得施其蛾眉於是欽柴宗祈燎薰皇天樵蒸焜上配蒸四施選巫咸兮叫帝闔開天庭兮延羣神由是事畢功弘迴車而歸登長平兮雷鼓磕度三蠻兮偁棠梨雲飛揚兮



雨霧霽于霄德兮麗萬世亂曰崇崇園丘隆隱天兮增宮參差駢嵯峨兮  
上天之緯杳旭卉兮聖皇穆穆信厥對兮來祇郊禋神所依兮輝光炫燿  
降厥福兮子子孫孫長無極兮又幸河東賦曰其三月將祭后土上乃  
帥羣臣橫大河湊汾陰既祭畢登歷觀陟西嶽以望八荒迹殷周之墟眇  
然以思唐虞之風雄以為臨川羨魚不如歸而結網還上河東賦以勸其  
辭曰伊年暮春將瘞后土禮靈祇謁汾陰於東郊乃撫翠鳳之駕馳光影  
之乘棹奔星之流旃攫天狼之威弧奮電鞭駮雷輜鳴洪鍾建逐旂羲和  
司日顏倫奉輿樂往昔之遺風喜虞舜之所耕瞰帝唐之嵩高兮盼隆周  
之大寧叱風伯於南北呵雨師於西東參天地而獨立廓蕩蕩其無雙  
**類**後漢班固東巡頌曰竊見巡狩岱宗上稽帝堯中述世宗遵奉世祖  
禮儀備具動自聖心是以明神屢應休徵仍降不勝狂簡之情謹上岱宗  
頌一篇曰若稽古在漢迪哲聿修厥德憲章丕烈翽六龍較五輅齊百僚  
陶質素命南重以司歷厥中月之六辰備天官之列衛盛輿服而東巡  
又南巡頌曰惟漢再命系葉十一帝典協景和則天經郊高宗光六幽通

神明既禘祖於西都又將裕于南庭是時聖上運天官之法駕憑列宿而  
贊元後漢崔駰東巡頌曰伊漢中興三葉於皇惟烈允迪厥倫矩坤度  
以範物規乾則以陶鈞於是考上帝以質中總列宿於北辰開太微敞禁  
庭延儒林以諮詢岱嶽之事于時典司耆耆載華抱實道爾而造曰盛乎  
大漢世增其德此神人之所庶幸海內之所想思頌有喬山之征典有徂  
嶽之巡時邁其邦民斯攸勤不亦宜哉乃命太僕訓六駟間路馬戒師徒  
於是乘輿登天靈之威路駕太一之象車升九龍之華旗建掃霓之旌旄  
哀胡者之元老賞孝行之峻農後漢馬融東巡頌曰允迪在昔紹烈陶  
唐殷天衷克播光若時則運瓊衡敷六典經八成肆類乎上帝實柴乎三  
辰禋祀乎六宗祇燎乎羣神遂發號羣司申戒百工卜筮稱吉著龜襲從  
南征**類**馮相告祥清夷道而後行曜四國而揚光展聖義於巡狩喜圻  
時而詠八荒指宗嶽以為期岱神之所望散齋既畢越翼良辰械櫛增  
構烈火燔燂暉光四煬焱爛薄天蕭香肆升青煙冒雲珪璋戔戔犧牲絜  
純鬱鬯宗彝明水玄樽空桑孤竹咸池雲門六八匝變神祇並存**類**後



漢張衡東巡誥曰惟二月初吉帝將狩于岱嶽展義省方觀民設教率羣  
賓備法駕以祖于東門屆于靈宮是日也有鳳雙集于臺壬辰祀上帝于  
明堂帝曰咨予不材為天地主懷慄翹翹百僚萬機心之謂矣孰朕之勞  
上帝有靈不替朕命誕敢不祗承凡庶與祭於壇墀之位者曰懷爾邦君  
寔願先帝載厥太宗以左右朕躬羣臣曰帝道橫被旁行海表一人有違  
萬民賴之從巡助祭者茲惟嘉瑞乃歌曰皇皇者鳳通玄知時萃于山趾  
與帝邀期吉事有祥惟漢之祺帝曰朕不敢當亦不敢蔽天之吉命

### 籍田

說文曰帝籍千畝者使民如借故謂之藉 毛詩曰載芟春籍田而祈社  
稷也 周官曰上春詔王后帥六宮之人而生種稷之種而獻之于王  
又曰甸師率其屬而耕耨王籍以時入之以供粢盛 禮記曰孟春之月  
天子乃以元日祈穀于上帝天子親載耒耜帥三公九卿諸侯大夫躬耕  
帝籍天子三推三公五推卿諸侯九推庶人終畝反乃執爵于太寢命曰  
勞酒 又曰天子耕於南郊諸侯於東郊 又曰天子為籍千畝冕而朱

紘躬執耒以事天地山川以為醴酪粢盛於是乎取之也諸侯百  
畝冕而青紘 梁五禮籍田儀注曰其田東去宮八里遠十六里為千畝  
天子耒耜一具九卿耒耜九具立方壇以祠先農 應劭漢官儀曰天子  
升壇公卿耕訖耆夫下種籍田千畝亦曰帝籍亦曰親耕亦曰王籍 又  
曰東耕之日親率公卿戴青幘載青車駕蒼馬公卿以下車駕如常法  
五經要義曰天子籍田千畝孟冬啓蟄既郊之後率公卿大夫而親耕焉  
所以先百姓而致孝也 國語曰宣王即位不籍千畝虢文公諫曰夫民  
之大事在農上帝之粢盛於是乎出民之蕃庶於是乎生先時九日太史  
告稷曰陽氣俱蒸土膏其動即以告王王即御事王耕一耨班三之庶人  
終乎千畝王不聽師敗於姜戎也 論衡曰立春東耕為土象人男女各  
二執耒鉏錢或立土牛象人土牛未畢而耕也從氣應時示帥下也 漢  
書文帝詔曰夫農天下之本其籍田朕親率耕以給宗廟粢盛 東觀漢  
記曰永平十三年二月耕籍田畢賜觀者食有一諸生前言善哉文王之  
遇太公也上書版曰生非太公乎亦非文王 宋顏延之侍東耕詩曰



題封經地域辰角麗天籟浮藹起青壇沈  
 嘉壽 宋謝莊侍東耕詩曰肅鑣奉晨發  
 起青雲陰臺承寒綵陽樹迎初薰觀德欣  
 田詩曰寅賓始出日律中方星鳥仁化洽  
 遺滯指秋杪年豐廉讓多歲薄禮節少  
 觀寶著遐篇豈如春路動祈穀重民天  
 嘉瑞銅雀應豐年不勞鄭國雨無榮鄴令  
 田 陳張正見從籍田應衡陽  
 王教作詩曰帝京惟赤縣神居應紫微塗  
 山萬國仰滄海百川歸東郊事  
 平秩仲月祀靈威含光開早扇閭闔啓朝  
 扉其洛城鍾漏息靈臺雲霧卷  
 森森虎戟前藹藹鑾旂轉屬車遊絳闕風  
 鳥度丹巘帳殿幸金輿旌門擁  
 玉輦其玉輦帶非煙金輿映綠川雨師清  
 遠路風伯靜遙天分渠通沃野  
 激水入公田草發青壇外花飛蒼玉前其  
 乃三堆齊衡均百辟蘭場儼芝駕桂圃芳  
 瑶席山禽韻管絃野獸和鍾石  
 嶷鍾石既相和江海復無波梁客簪裾盛  
 陳王文雅多修塗參弱駘喬木

間輕蘿幸承温吹末擊壤自為歌其晉潘岳籍田賦曰伊晉之四年  
 正月皇帝親率羣后籍于千畝之甸禮也於是乃使甸師瀆畿野廬揚  
 封人遺宮掌舍設 青壇蔚其嶽立翠幕黝以雲布沃野墳腴膏壤平砥  
 清洛濁渠引流激水葱牯服于縹軛紺轅綴於黛耜儼儲駕於塵左俟萬  
 乘之躬履襲春服之萋萋接游車之麟麟森奉璋以階列望皇軒而肅震  
 若湛露之晞朝陽似衆星之拱北辰於是前驅魚麗屬車麟萃閭闔洞啓  
 參塗方駟常伯陪乘太僕秉轡后妃獻種種之種司農撰播植之器天子  
 乃御玉輦蔭華蓋衝牙鉞鎗綃紉絳表朱玄於離坎飛青鑄於震兌中  
 黃暉以發暉方綵紉其繁會震震填填以幸平藉田蟬冕頽以灼灼碧色  
 肅其芊芊似夜光之剖荆璞若茂松之依山巔於是我皇乃降靈壇撫御  
 耦三推而舍庶人終畝貴賤以班或五或九躡踵側肩椅裳連袂黃塵為  
 之四合陽光為之潛翳動容發音而觀者莫不抃舞平康衢謳吟乎聖世  
 有邑老田父進而稱曰蓋損益隨時理有常然高以下為基民以食為天  
 九土之宜弗任四人之務不一展三時之弘務致倉廩之盈溢固堯湯之



用心而存救之要術若乃廟祧有事祝宗誦日黍稷馨香旨酒嘉粟古人  
有言曰昔者明王以孝治天下其或繼之者希矣逮我皇首實先斯道儀  
形孚于萬國愛敬盡于祖考。宋任豫籍田賦曰瞻望圭景咫尺三川緬  
彼帝籍自有餘年映至德於盛位儷列畧於微辰紆汾陽以昧旦信堯心  
而禹勤史奉載耜之禮民奏舉趾之歌膏壤千畝與式既同區勢平易畎  
陌脩通提攜丘澤眺嶺面松。隋江總勞酒賦曰在陽春之仲序覽具物  
之芳菲帥公卿而播百穀親耒耜而命三推開青壇於迴甸列翠幕於清  
泝乃遵執爵之典爰降食苹之譙豁朱鳥之高牕啓黃龍之抗殿奏帝鴻  
之萬舞動鈞天之九變顧曲私之亭育遞寒暑而徂遷謬陳力而策駘豈  
酬恩於暮年。文齊謝眺為隨王粲東耕文曰穀躔星景穡表踏先八政  
奚首六府茲宣弊嗟非國登頌有年一夫或怠望歲誰天。梁元帝祭東  
耕文曰三農九穀為政所先萬箱億庾是曰民天繫稱斲耜書美厥田花  
開杏樹凍解新泉當使黍稷莫莫民醫膏樂甘雨祁祁遂及我私我私之  
熟表裏提福提福中田歲取十千是蔗是袞登頌有年。梁元帝慶東

耕啓曰伏惟陛下躬授民時造惺籍圃漢之元鳳未足捧羈晉之太始非  
堪扶穀但承明侍從卽事未由周南留滯伏深戀仰。魏陳王曹植籍  
田論曰春耕千籍田卽中令侍寡人焉顧而謂之曰昔者神農氏始嘗萬  
草教民種植今寡人之興此田將欲以擬乎治國非徒娛耳目而已也夫  
營疇萬畝厥田上上經以大陌帶以橫阡此亦寡人之封疆也日殄沒而  
歸館晨未昕而卽野此亦寡人之允下也菽藿特疇禾黍異田此亦寡人  
之政理也及其息沸涌庇重陰懷有虞撫素琴此寡人之所習樂也蘭蕙  
荃蘅植之近疇此亦寡人之所親賢也藜藿具蔚棄之乎遠疆此亦寡人  
之所遠佞也若年豐歲登果茂菜蔬則臣黨小大成取驗焉。又曰對人  
有能以輕鑿脩鉤去樹之蠋者樹得以繁茂中舍人曰不識治天下者亦  
有蠋乎寡人告之曰昔三苗共工鯀禹堯非堯之蠋與問曰諸侯之國亦  
有蠋乎寡人告之曰齊之諸田晉之六卿魯之三桓非諸侯之蠋與然三  
國無輕鑿脩鉤之任終於齊魯晉國以分不亦痛乎曰不識爲君子  
者亦有蠋乎寡人告之曰固有之也富而侵貴而驕殘仁賊義甘財悅色



亦君子之竭手天子勤耘以收一國大夫勤耘以收世祿君子勤耘以顯  
令德夫農者始於種終於獲澤既時矣苗既美矣棄而不耘則故為荒  
蓋豐年者期於必收豐修道亦期於沒身也

社稷

孝經緯曰社土地之主也土地潤不可盡帶故封土為社以報功也稷五  
穀之長也穀衆不可徧祭故立稷神以祭之禮記曰夫聖王之制禮也  
法施於民則祀之以勞定國則祀之能禦大災則祀之能扞六患則祀之  
是故厲山氏之有天下也其子曰社能殖百穀夏之衰也周棄繼之故祀  
以為稷共工氏之霸九州也其子曰后土能平九州故祀以為社又曰  
社祭土而主陰氣也君南向於北墉下答陰之義也墉謂之墉北日用甲  
用日之始也國中之神莫貴於社天子太社必受霜露風雨以達天地之氣也是故  
喪國之社屋之不受天陽也薄社北墉使陰明也社所以神地之道也地  
載物天垂象取財於地取法於天是以尊天而親地也又曰王為神羣  
姓立社曰太社自立社曰王社諸侯為百姓立社曰國社自為立曰侯社

大夫以下置社左傳曰魏獻子問於蔡墨曰社稷五祀誰氏之五官也  
對曰少皞有四叔曰重曰該曰脩曰熙實能金木及水使重為句芒該為  
蓐收脩及熙為玄冥此其三祀也顓頊氏有四子曰黎為祝融共工氏有  
子曰句龍為后土此其二祀也后土為社稷田正也有烈山氏之子曰柱  
為稷自夏以上祀之周棄亦為稷自商以來祀之又曰宋使邾文公用  
鄆子於次睢之社欲以屬東夷司馬子魚曰古者六畜不相為用小事不  
用大牲況敢用人乎祭祀以為人民神之主用人其誰饗之尚書曰海  
岱及淮惟徐州厥貢惟土五色王者封五色土以為社建諸侯則割方色  
土立社燾以黃土苴以白茅茅取其絜黃取王者覆四方也又曰湯既  
勝夏欲遷其社不可湯承堯禘禘之後順天應人逆取順守而有慙德故  
革命創制改正易服委宜社稷以稷代無及句龍者故不可而止又曰  
越翼日戊午乃社于新邑牛羊豕各一注云告社稷用太牢也周書曰  
諸侯受命于周乃建立太社于國中其壇東青土南赤土西白土北驪土  
中央燾以黃土將建諸侯鑿取方一面之土苴以白茅以土封之故曰列



土于周也 周官曰小宗伯 掌建國之神位右社稷大宗伯掌以血祭祭社稷 又曰封人設王之社壇爲畿封而樹之 公羊傳曰日有食之鼓用牲于社求乎陰道也以朱絲營社或曰營之或曰暗恐犯之故營也 尚書逸篇曰北社惟松惟柏 南社爲梓西社爲槐 白虎通曰王者所以有社稷何爲天地報功也社稷所以有樹何所以表功也 淮南子曰禹勞天下故死而爲社周棄作稼穡死而爲稷 又曰夫窮鄉之社叩甕拊缺相和而歌曰以爲樂也常試爲之擊建鼓撞巨鍾乃始知夫甕缺之足羞也夫至道之諭亦學者之求福 莊子曰匠石之齊至于曲轅見櫟社樹其大蔽牛其高臨山十仞而後有枝其可以爲舟者旁十數觀者如市 論語曰哀公問社於宰我宰我對曰夏后氏以松殷人以柏周人以栗 論衡曰亡國之社屋其上棧其下絕於天地夫春秋藩社周以爲戒 漢書曰高祖時天下已定詔御史宜於豐治枌榆社嘗以春羊彘祀之 又曰社者土地宗廟王者所居稷者百穀之主所以奉宗廟共粢盛人所食以生活也王者莫不尊重

執祭者爲之主禮 毛詩曰乃立冢土 又曰以御田祖以祈甘雨 漢書曰漢興禮儀稍定已有官社未立官稷遂於官社後立官稷以夏禹配饗官社后稷配食官稷徐州牧歲貢五色土各一斗 又曰陳平旣娶張氏女資用益饒游道曰廣里中社平爲之宰分肉食甚均里父老曰善陳孺子之爲宰平曰嗟乎使平得宰天下亦如此肉矣 又曰樂布吳軍時以功封爲俞侯燕齊之間皆爲立社號曰樂公社 又曰周之正月受社牲之首以出種于帝籍蠶人受社雍祭以沐蠶種上幸乃射里社于帝郊以祈來年之豐 漢舊事曰天子太社以五土爲壇封諸侯者取其土苴以白茅授之各以其所封方色立社於其國故曰受茅土 搜神記曰中興初有應姬者生四子而盡見神光照社初探試之乃得黃金自是諸子官學並有芳名至瑒七世顯 戴延之西征記曰洛陽建春門外迎道北有白社董威輦所住也去門二里白社有牛馬市卽嵇公臨刑處也 伍輯之從征記曰臨沂厚丘間有次睢里社常以人祭襄公使邾子用鄆子處相承雀貧人命齋絮祭時縛着社前如見牲犧魏初乃止 荊州圖記



日鄭縣東百步有縣故城縣南里名伍伯村有白榆連理樹異根合條高四丈餘土民奉為社 湛方生盟文曰仰推先王建社之義俯從詩人匍伏之儀遂藝樹立壇結誓明神 晉張華朽社賦曰高柏橋南大道傍有古槐樹蓋數百年木也余少居近之後去行路遇之則已朽意有緬然輒為之賦因以言衰盛之理云爾伊茲槐之挺植于京路之東隅得託尊於田主據爽塏以高居垂重陰於道周臨大路之通衢饗春秋之所報應豐腴於無射歷漢京之康樂踰喪亂之橫逆朱夏當陽翁藹蕭森征夫雲會行旅歸心輶軒停蓋輕輿託陰吉人向風而祛袂王孫清嘯而啓襟睇甘棠之廣覆福喬木之無陰 魏陳王曹植社頌曰於惟太社官名后土是曰句龍功著仁古德配帝皇實為靈主克明播植農正曰柱尊以作稷豐年是與義與社同方神北宇建國承家莫不脩敘 宋何承天社頌曰余以來初三年八月大社聊為此文實惟陰祗稷為穀元率育萬類協靈昊乾霸德方將世號共工厥有才子寔曰句龍稱物平賦百姓喜雍唐堯救災決河流江棄亦播植作又萬邦克配二祀以報勤庸勤庸伊何厚

載生民倉廩既實神節斯因人亦有言物用思人矧乃大德功被陶鈞豈伊百世萬代不泯蒸哉帝王肇建 皇極體國經野設官分職我我二社列幹比殖歲云其秋畧漏均程牲牢 既絜嘉薦惟馨

朝會

禮記曰天子無事與諸侯相見曰朝 周禮曰春見曰朝夏見曰宗秋見曰覲冬見曰遇時見曰會夢見曰同 又曰王執鎮圭 以四鎮山為飾 公執桓圭 信身也圭 伯執躬圭 亦子執穀璧 穀以養人 男執蒲璧 蒲者上作蒲草 孤執皮帛卿執羔大夫執鴈士執雉庶人執鶩工商執雞 又曰春朝諸侯而圖天下之事注云圖考績也 傳曰凡朝以正班爵之義會以訓上下之則 又曰宣十四年孟獻子言於公曰臣聞小國之免於大國也聘而獻物於是庭實旅 百朝而獻功注云獻其國若征伐之功於牧伯也 又曰子產相鄭伯如楚僑聞大適小有五美宥其罪戾赦其過失救其災患賞其德刑教其不及 又曰蘧啓彊對楚子曰朝聘有圭享頰有璋小有述職大有巡功 又曰叔向曰明王之制使諸侯歲聘以



志業間朝以講禮再朝而會以示威再會而盟以著昭明志業於好講禮於等示威於衆昭明於神 又曰莊公如齊觀社非禮也曹劌諫曰夫禮所以整民也故會以訓上下之則制財用之節朝以正班爵之義帥長幼之序 孟子曰諸侯朝天子曰述職一不朝則貶其爵二不朝則削其地三不朝則六師移之 摯虞決疑要注曰漢制會於建始殿晉制大會於太極殿小會於東堂會則五時服庭設金石武賁旄頭文衣繡尾 又曰宴之與會威儀不同也會隨五時朝服庭設金石旄頭之衣鷩尾以列陛 燕則服常服設絲竹之樂宿衛列仗會於太極殿小會於東堂 白虎通曰凡臣見君必有贄贄者質也致已質誠也公侯以玉為贄者取其燥不輕濕不重也大夫以鴈為贄者取其飛成行立成列也士以野雞使其不可誘之以食脅之以威畢死不可畜也又諸侯相聘為相尊也朝聘天子更以所尊者禮正刑一德以尊天子也 又曰聘者緣臣子欲知其君父無恙又當奉土地所生珍物以助祭是以皆行聘禮 又曰朝備文德而明禮義也 春秋說題辭曰諸侯執政各來朝講文德禮讓制法四方

尚書曰既月乃日觀四嶽羣牧注云既盡也觀見也言舜日盡正月乃見羣牧 穀梁傳曰滕侯薛侯來朝天子無事諸侯朝正也考禮修德所以尊天子也 尚書曰六年五服一朝又六年王乃時巡考制度于四嶽諸侯各朝于方嶽大明黜陟注云觀四方諸侯各於其方嶽之下大明考績 漢書曰漢王已并天下諸侯共尊為皇帝於是叔孫通就其儀漢七年長樂宮成諸侯羣臣朝十月皇帝輦出房百官執戟傳警引諸侯王以次奉賀觴九行謁者言罷酒御史舉不如儀者引去竟朝置酒無敢誼譁失禮 上曰吾乃今日知為皇帝之貴也拜通為太常 漢官儀曰正月旦天子幸德陽殿臨軒公卿大夫百官各陪位朝賀蠻貊胡羌朝貢畢見屬郡計吏皆陪觀宗室諸劉雜會皆冠兩梁冠皂單衣既定上壽計吏中庭北向坐太官上食賜羣臣酒食作九賓撤樂 又曰大將軍三公朝會天子為起住入太常任車曰皇帝為羣公起天子坐方前進 又曰尚書令御史中丞司隸朝會各獨席故京師曰三獨坐 魏志曰黃初元年郭淮奉使賀文帝踐阼而道路疾故計遠近為稽留及羣臣權會帝責之曰昔禹會



諸侯於塗山防風後至便行大戮今溥天同慶而最留遲何也對曰臣聞五帝先教導民以德夏后氏衰始用刑辟今臣遭虞舜之世是以自知免於防風之戮也帝悅 晉起居注曰武帝太康元年詔曰江表初平天下同其歡豫王公卿士各奉禮稱慶其於東堂小會設樂使加於常五月庚寅御臨軒大會於太極殿前四方賀使國子太學生司徒吏副將以上及吳降將吏皆與會詔引歸命侯孫皓上殿稽顙陳恩謝罪稱萬歲 又曰太常張華止按舊事拜公建始殿因以小會今拜公於太極殿亦宜因以小會蓋所以崇宰輔也 又曰穆帝升平二年正月朔朝會是日賜衆客醪醕酒 東宮舊事曰正會儀太子着遠遊冠絳紗褱登輿至承華門設位拜二傅二傅交禮畢不復登車太傅訓道在前少傅訓從在後太子入崇賢門樂作太子登殿西向坐 魏陳王曹植應詔詩曰命彼掌徒肅我征旅朝發鸞臺夕宿蘭渚經彼公田樂我稷黍西濟關谷或降忽升駢駮倦路載復載興將朝聖皇匪敢燕寧前驅舉燧後乘抗旌長懷未慕憂心如醒 梁簡文帝守東平中華門開詩曰脂車向馳道揔轡息中華落

關猶待漏文戟未通車薄雲初啓雨曙色始成霞灑流鋪紫若城風泛橘花絃誦終無取顧已自懷嗟 梁何遜早朝詩曰詰日鍾聲罷隱隱禁門通蘧車響北闕鄭履入南宮宿霧開馳道初日照相通風胥徒紛繹騶御或西東 周王褒入朝守門開詩曰鳳池通復道嚴駕早凌晨鐵符行警曙銀啓未開闔壘暗城無影晴新路不塵屯兵引畫劔騎吹動班輪徒知御睿藻抽辭殊未申 隋江總荅王均早朝守建陽門開詩曰金兔猶懸魄銅龍欲啓扉三條息行火百雉照初暉御溝槐影出仙掌露光晞 陳王曹植請封元正表曰欣豫百官之美想見朝覲之禮耳存九成目想率舞 又謝得入表曰不世之命非所致思有若披浮雲而曬白日出幽谷而登喬木日希庭燎心存泰極

燕會

周官曰以饗燕之禮親四方之賓客言四方之賓客來聘玉為設饗燕之禮 毛詩曰鹿鳴燕羣臣嘉賓也常棣燕兄弟湛露天子燕諸侯也 又曰伐木燕朋友故舊也自天子至於庶人未有不須友以成也親親以睦



友賢不棄故舊不遺則民德歸厚矣 左傳曰魯文公卽位衛侯使大夫甯武子聘於魯魯文公與武子燕爲賦湛露及彤弓之詩 又曰衛侯燕莒成叔甯惠子相莒成叔傲甯子曰莒成叔家其亡乎古之爲饗食也以觀威儀省禍福今子傲取禍之道也 韓詩曰不脫履而卽度謂之禮下跪而止謂之燕能飲者飲不能飲者謂之醜閉門不出客謂之酒 禮記曰奠酬而升歌發德也注云以詩之義明賓主之禮 又曰諸侯宴禮俎豆牲醴薦皆有等差所以明貴賤也 漢書曰高祖十二年擊黥布還過沛留置酒悉召故人父老諸母樂飲道舊故爲笑樂上留帳飲三日召沛中兒百二十人上擊筑歌大風 東觀漢記曰建武三年幸春陵祠園廟大置酒與父老故人相樂十九年幸汝南頓正令舍大置酒賜吏民復南頓田租一年 魏書曰文帝爲魏王南征次譙大饗六軍及父老設樂伎百戲 世說曰過江諸人每至暇日輒相要出新亭藉卉飲宴周侯中坐而歎曰風景不殊舉目有江河之異皆相視流淚唯丞相愀然作色曰當共戮力王室尅復神州何至作楚囚對泣邪 沈約宋書曰鄭鮮之爲人

通率在高祖坐言無所隱時人甚憚焉尤爲高祖所狎上嘗於內殿宴飲朝貴畢集唯不召鮮之坐定謂羣臣曰鄭鮮之必當自來俄而外云尚書郎鄭鮮之請門求啓事高祖大笑引入 古詩曰今日良宴會歡樂難具陳彈箏奮逸響新詩妙入神齊心同所願含意俱未申人生寄一世奄忽如飄塵何不策高足先據要路津無爲守窮賤轍轉長苦辛 魏陳王曹植公宴詩曰公子敬愛客終宴不知疲清夜游西園飛蓋相追隨明月澄清景列宿正參差秋蘭被長坂朱華冒綠池潛魚躍清波好鳥鳴高枝神飈接丹轂輕輦隨風移 又侍太子坐詩曰白日曜青春時雨靜飛塵寒氷辟炎景涼風飄我身清醴盈金觴肴饌縱橫陳齊人進竒樂歌者出西秦翩翩我公子機巧忽若神 又與丁廙詩曰嘉賓填城闕豐膳出中厨吾與二三子曲宴此城隅秦箏發西氣齊瑟揚東嘔肴來不虛滿觴至反無餘 魏應瑒公宴詩曰開館延羣士置酒于斯堂辯論釋常結援筆興文章穆穆衆君子好合同歡康促坐褰重帷傳滿騰羽觴 魏劉楨公宴詩曰永日行游戲歡樂猶未央遺思在玄夜相與復翱翔輦車飛素蓋



從者盈路傍月出照園中珍樹鬱蒼蒼清川過石渠流波為魚防芙蓉散  
其花菡萏益金塘珍鳥宿水齋仁獸游飛梁投翰長歎息綺麗不可忘  
魏王粲公宴會詩曰昊天降豐澤百卉挺歲蕤涼風徹蒸暑清雲卻炎暉  
高會君子堂並坐蔭華棖嘉肴克圓方旨酒盈金罍常聞詩人語不醉且  
無歸願我賢主人與天享巍巍克符周公業弃世不可追 魏陳琳宴會  
詩曰凱風飄陰雲白日揚素暉良友招我遊高會宴中闈玄鶴浮清泉綺  
樹煥青蕤 晉武帝華林園詩曰習習春陽帝出乎震天施地生以應仲  
春思文聖皇順時秉仁欽若靈則飲御嘉賓洪恩普暢慶及衆臣其其慶  
惟何錫以帝祉肆覲羣后有客戾止外納要荒內延卿士簫管詠德八音  
咸理凱樂飲酒莫不宴喜其 晉陸機擬今日良宴會詩曰間夜命歡友  
置酒迎風館齊童梁甫吟秦娥張女彈哀音繞棟宇遺響入雲漢人生無  
幾何為樂常苦晏警彼司晨鳥揚聲當及旦 又皇太子賜宴詩曰明明  
隆晉茂德有赫思媚上帝配天光宅誕育皇儲儀形在昔微言時宣福祿  
來格芳謙降貴肆敬下臣肇彼先驅翻成嘉賓 又侍皇太子宣猷堂詩

曰篤生我后克明克秀體暉重光承規景數茂德沖深天姿玉裕三正迭  
紹洪聖啓運自昔哲王先天而順羣辟崇替降及近古黃暉既渝素靈承  
祐三后始基世武丕丞協風傍駭天畧仰澄自彼河汾奄齊七政時文惟  
晉世篤其聖明明隆晉茂德有赫 晉王讚侍皇太子宴始平王詩曰  
聖聖胤繼明重體樂此常棣其甘如薺我有嘉宴以洽百禮煌煌同族  
藹藹王僚惟中惟外如瓊如瑤湛湛朝雲德靡不覆玄黃所綴文成綵繡政  
以神和樂以安奏一人有慶萬邦是祐 又侍皇太子祖道楚淮南二王  
詩曰於明聖晉仰統天緒易以明險簡以知阻研彼羣慮俾侯授土郁郁  
三王祗承皇命睹離鑿親觀禮知盛皇儲降會延于公姓瞻彼行役並憩  
同林分塗殊軌靡不迴心 晉陸雲侍大將軍宴詩曰茫茫宇宙天地交  
泰王在華堂式宴嘉會玄暉峻朗翠雲崇靄晃卉振纓藻服垂帶祁祁臣  
僚有來雍雍薄言載考承顏下風俯覲前客仰瞻玉容天錫難老如嶽之  
崇 宋鮑昭侍宴覆舟山應詔詩曰繁霜飛玉闥愛景麗皇州清蹕式馳  
路羽蓋宣遊神居既崇盛巖險信周流禮俗陶德聲昌會溢民謳 梁



王僧孺侍宴景陽樓詩曰金鋪爍可鏡桂棟儼臨雲霑觴均飲德服道驗  
朝聞詎論禹無間非恥堯為君小臣亦何者短翮屢追羣 又侍宴詩曰  
麗景屬春餘清陰澄夏首交枝隱脩徑迴流影遙阜徒為轢輕筠移鑿拂  
高柳去矣勞茂績勉哉報嘉誘小臣良不才涓塵愧所守何用勝彫斲譬  
木良如朽 又侍宴詩曰迴輿避暑宮下輦迎風館散漫輕煙轉霏微商  
雲散蔓草亘巖垂高枝起天半迴風稍驚木落光漸斜岸妙儻駐行雲清  
歌入曾漢碎顏暢有憚德音良已粲 梁庾肩吾侍宴詩曰沐道逢將聖  
飛觴屬上賢仁風開美景瑞氣動非煙秋樹翻黃葉寒池墮黑蓮承恩謝  
命淺念報在身前 又侍宴詩曰副君時暇豫曾城聊近游清池寫飛閣  
踈樹出龍樓北陸水方壯西園春欲周梅心芳屢動蒲節促難抽徒然頽  
並命無以廁應劉 又侍宣猷堂宴湘東王詩曰陳王驂駕反副后西園  
遊並命登飛閣列坐對芳洲桂巖逢暮序菊水值窮秋竹徑簫聲發相門  
琴曲愁徒奉文成誦空知思若抽 梁劉孝綽侍宴詩曰清宴延多士鴻  
漸溢微薄臨焱出蕙樓望辰躋茵閣止征切雲漢晚眺周京洛城寺鬱參

差街衢紛漠漠禁林寒氣晚方秋未掃落皇心重發志賦詩追並作自昔  
承天寵於茲被人爵選言非綺綃何以儼金腰 又侍宴詩曰茲堂乃峭  
嶠伏檻臨曲池樹中望流水竹裏見攢枝欄高景難蔽岫隱雲易垂邂逅  
逢休幸朱躡曳青規丘山不可荅葵藿空自知 又侍宴集賢堂應令詩  
曰北閣時見啓西園又已闢宮屬引鴻鷺朝行命金碧伊臣獨何取隆恩  
徒自昔布武登玉墀委坐陪瑤席綢繆參宴笑淹留奉觴醪壺人告漏晚  
煙霞起將夕反景入池林餘光映泉石 又陪徐僕射晚宴於兒宅詩曰  
天君追宴憲十日遞來過築室華池上開軒臨芰荷方塘交密筍對露接  
繁柯景移林改色風去水餘波洛城雜華日愛客待驪歌 梁江淹擬魏  
帝遊宴詩曰置酒坐飛閣逍遙臨華池神飄自遠至左右芙蓉披綠竹夾  
清水秋蘭被幽崖丹出照園中冠佩相追隨蕭蕭廣殿陰雀聲愁北林衆  
賓還城邑何用慰我心 陳徐陵侍宴詩曰園林才有熟夏淺更勝春嫩  
竹猶含粉初荷未聚塵承恩豫下席應阮獨何人 隋江總賦得置酒殿  
上詩曰三清傳旨酒柏梁奉歡宴霜雲動玉葉凍水踈金箭羽箭響鍾石



流泉灌金殿盛時不再得光景馳如電

封禪

禮記曰昔先王因天事天因地事地因名山升中于天中成也祭天告以成功也河

圖真紀曰王者封太山禪梁甫易姓奉度繼崇功 河圖會昌符曰漢太

興之道在九伐之王封于太山刻石著紀禪于梁甫退考功 春秋含茲

子曰天子所以昭察以從斗樞禁令天下係體守文宿思以合神保長父

天子受符以辛日立號 史記曰齊桓公欲封禪管仲曰古封太山禪梁

甫七十二家夷吾所記十有二焉無懷氏封太山禪云顓頊封太山禪云

神農封太山禪云炎帝封太山禪云黃帝封太山禪云黃帝封太山禪云亭帝營封太山禪

云堯封太山禪云舜封太山禪云禹封太山禪云會稽湯封太山禪云周成

王封太山禪社首皆受命然後得封禪古之封禪鄩上之黍北里之禾所

以為盛江淮之間一茅三春所以為籍東海致比目之魚西海致比翼之

鳥然後有不召而自至者十有五焉 又曰秦始皇既并天下即帝位徵

齊魯儒士博士七十人至泰山下議曰古者封禪為蒲車惡傷山之土石

草木始皇上泰山立石頌始皇德明其得封也封藏皆秘代不得而記也

始皇上泰山中坂遇風雨休於樹下因封其樹為五大夫 又曰封禪則

不死黃帝是也儒者皮弁薦紳射牛封大山如郊太一之禮 又曰李少

君上言云縱遠方奇獸飛禽及白雉以加祀皆至太山其夜若有光晝有

白雲起封中 白虎通曰天以高為尊地以厚為德故增太山之高以報

天附梁父之厚以報地也 又曰易姓而王必升封太山報告成 又曰

或封禪金泥銀繩或曰石泥金繩封之金印或曰封禪封之以金印 孝

經序金決曰封乎太山考績燔燎禪乎梁父刻石紀功 尚書中候曰昔

古聖王功成道洽符瑞出乃封太山今比目之魚不至鳳皇不臻未可以

封鄭玄注云比目東方異氣所生名鱓 司馬相如封禪書曰然猶躡梁

父登太山建昭號施尊名俾萬代得激清流揚微波飛英聲騰茂實 封

禪儀注曰持禮三十人上發壇上十石函蓋尚書令北向跪藏玉牒畢持

禮覆石函尚書令封上石檢亦治以金繩泥雜用四方土各依其色 張

華議曰海內符瑞之應備物之盛未有若今之盛宜禮中丘封泰山發德



號 漢官儀曰封禪太山既武帝封處累其石登壇置玉牒書封石此中  
復封石檢 又曰元封封禪書有白氣夜有光下天關石門 又曰有玉  
龜 又曰建武二十二年東巡狩二月九日到魯十九日國家居亭百官  
布野此日上山雲氣成宮闕百姓皆見 漢書曰元封元年四月癸卯上  
遷登封太山應劭云成功治定告成於天有金策石函金泥玉檢之封  
又曰倪寬對策云其封太山禪梁父昭姓考功此帝王之盛節 續漢書  
曰上以用石功難又欲及二月封故詔梁松因故封石空檢更加封而已  
松上疏爭之以為承天之勅尤宜章明今因舊封竄寄玉牒故石下恐非  
重命之義 又曰建武二十二年上許梁松等奏方求元封時故事議封  
禪所施用有司奏當刻玉璽一枚方寸三分玉版方五寸 又曰上御輦  
升山日中後到山上卽位于壇南北帝升壇尚書令奉玉牒檢皇帝以寸  
二分璽親封之 吳志曰孫皓天璽元年陽羨山有石室所在表為天瑞  
乃遣司空董朝周處等封禪國山 宋書曰江夏王義恭表云氣於宮樹  
珍露味於林宜修封太山瘞玉登趾 太康地記曰奉高者以事東嶽帝

高 王禪代之處也故明堂在縣南四里漢武立太壇於東山以登天下示增

親蠶

禮記祭義曰古者天子諸侯必有公桑蠶室近川而為之築宮仞有三尺  
棘牆而外閉之 祭統曰王后蠶於北郊以供純服夫人蠶於北郊以供  
冕服純音緇也五禮先蠶 儀注曰親蠶前二日木祝令質明以太牢祀先蠶 皇  
后親蠶儀注曰皇后躬桑始將一條執筐受桑 周遷古今輿服雜事  
曰蠶始生后食之二灑而止 晉元康義曰皇后採桑壇蠶宮西南 董  
巴輿服志曰漢皇后桑於東郊死中者 又曰太皇太后入廟服紺上阜  
下蠶青上縹下簪以玳瑁長一尺端為華勝上為鳳皇 禮記曰季春之  
月后妃齋戒躬桑以勸蠶事孟夏之月蠶事既畢后妃獻蠶 又曰蠶事  
既登分繭稱絲以供郊廟之服 又曰后妃獻繭乃收繭稅以桑為均貴  
賤長幼如一 東觀漢記曰明德馬皇后置織室蠶於濯龍中數往來觀  
視 漢書曰孝元王皇后為太后幸蠶館率皇后及列侯夫人桑北郊



藝文類聚卷第四十

禮部下 澣海歐陽詢

冠 婚 謚 弔 冢墓

冠

儀禮曰士冠禮筮于廟門主人立冠朝服緇帶素鞶卽位于門東門有司如主人卽位于西方筮賓如求日之儀祝曰令月吉日始加元服弃爾幼志從爾成德壽考唯祺介爾景福又再加曰吉月令辰乃申爾服敬爾威儀淑慎有德眉壽萬年永受厥福又三加曰以歲之正以月之令歲加爾服兄弟具在以成厥德黃耇無疆受天之慶又醴辭曰甘醴惟享嘉薦令芳拜受祭之以定爾祥承天之休壽考不忘又醴辭曰旨酒既清嘉薦以時乃加元服兄弟具來孝友時格永乃保之又再醴曰旨酒既清嘉薦伊脯乃伸爾服禮儀有序祭此嘉爵承天之祜又三醴曰旨酒令芳籩豆有楚咸加爾服肴升嘉俎承天之慶受福無疆又字辭曰禮儀既備令月吉日昭告爾字愛字孔嘉髦士攸宜宜之于嘏永受保之禮